

**EMAN(AVP) A BOLBE  
BENDE SU 'PRINCIPIO' PA  
FORMA CU FUTURO: AWOR  
NAN TA PRO RIJKSWET**



**WWW.SOLODIPUEBLO.COM**



**SOLODIPUEBLO@GMAIL.COM**


**ACUSACION DI GERLIEN TA  
FALSO:  
XIOMARA NO MESTER  
DI STATEN PA REDUCI  
LOONBELASTING**



**MINISTER NOBO KIER STUDIA  
DESCRIMNACION DI SALARIO  
MINIMO; TRAHA 45 COBRA 40**

**Traha 45 ora  
Cobra 40 ora  
Discriminacion di  
Salario Minimo**

**TRES DETENCION,  
DROGA Y PLACA  
CONFISCA DURANTE  
ENTRADA HUDICIAL**



**PARLAMENTARIO XIOMARA  
MADURO TA HAYA  
LAMENTABEL CU GOBIERNO  
TA KITA 17 MIYON DI FCCA**



# MINISTER NOBO KIER STUDIA DESCRIMNACION DI SALARIO MINIMO; TRAHA 45 COBRA 40

Minister Wendrick Cecilia a bisa diabierna anochi, cu si e gobierno trata e ley cu ta drecha descriminacion di salario minimo 40 y 45 ora, lo causa un impacto riba otro sector den comunidad. E kier tempo pa studia atrobe.

Su argumento ta uno barata pa desvia atencion for di e realidad: e descriminacion den e caculo di salario minimo entre 40 y 45 ora laboral.

E problema no ta si salario ta subi of no, sino cu algun

trahadornan ta wordo paga pa 45 ora i otro pa 40 ora, mientras cu nan salario minimo ta igual.

Esaki ta abuso, ta ilegal, y tin hopi aña cu e gobiernonan no a resolve esaki.

Ex Minister Glenbert Croes a entrega na parlamento e ley pa drecha e descriminacion aki, pero te cu awe e reunion no a wordo yama.

Enbes cu Minister Cecilia tuma accion, Cecilia a bisa cu e kier “studia” e

discriminacion. studia kiko?

E realidad ta cla: e sistema di 40 contra 45 ora ta un ladroncia di salario. Loke Minister kier ta gana tempo i proteha algun interes?

Si e gobierno kier trata e pueblo cu husticia, e lo coregi e desigualdad aki mesora, sin escusa barata. Suficientemente nos pueblo a perde cientos y miles di florin cu salario horta via ley!

Si el'a pidi tempo pa repasa e ley, lo ta comprendibel.

**Traha 45 ora  
Cobra 40 ora  
Discriminacion di  
Salario Minimo**

Pero su declaracion ta cu mester studia y reuni cu tur grupo. Tur esey ya a wordo haci caba!

E ley no ta un aumento,

sino husticia. Bo traha 40 bo ta cobra 40 hora. Bo traha 45 ora, bo no por cobra 40!

Kico tin di studia ?

## LUNA DI LOCURA CU LOTTO 5 PASCO GRANDI EDITION!

**Cu cada 2 Lotto 5 riba e mesun ticket, ricibi 1 Lotto 5 loco extra completamente gratis!**

31 di maart 2025: Luna di april lo ta un Luna di Locura cu Lotto 5 en conexion cu luna di Pasco Grandi y campamento! Cu cada compra di 2 set di number di Lotto 5 riba e mesun ticket, bo ta ricibi un Lotto 5 loco extra completamente gratis ariba e mesun ticket.

Si bo cumpra 4 Lotto 5 riba e mesun ticket bo ta ricibi 2 Lotto 5 loco completamente gratis. Si cumpra bo 6 Lotto 5 riba e mesun ticket bo ta ricibi 3 Lotto 5 loco gratis. Kiermen mas Lotto 5 bo cumpra riba e mesun ticket, mas Lotto 5 loco bo ta ricibi gratis y asina mas chens bo tin pa gana e jackpot di Lotto 5!

Lotto 5 ta costa solamente 4 florin pa ticket y bo por

combina bo 5 numbernan for di 01 te cu 35. Pidi bo rebendedo pa bo 2 set di 5 numbernan riba e mesun ticket y asina bo ta ricibi un Lotto 5 loco completamente gratis. Si bo no sa cua numbernan pa kies, bo ta pidi bo rebendedo pa 2 Lotto 5 loco riba e mesun ticket y ricibi un tercer Lotto 5 loco completamente gratis.

E promocion aki ta valido pa henter e luna di april cuminsando desde mañan 1 di april pa e sorteonan di Lotto 5. Por cumpra bo weganan di Lotto te cu 7:30PM na bo rebendedo preferi. Sorteo di Lotto 5 ta hunga riba tur diaranson y diasabra anochi pa 7:45PM na TeleAruba pero tambe por wak sorteo di Lotto riba nos pagina di



Facebook y YouTube. E promocion ta valido te cu dia 30 di april 2025.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X,

Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Tambe lo por hunga Lotto Online door di bishita: [play.lottoaruba.com](http://play.lottoaruba.com) pa por registra. Cumprando Lotto bo ta contribui na deporte

riba nos isla.

E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



# TRES DETENCION, DROGA Y PLACA CONFISCA DURANTE ENTRADA HUDICIAL




Diabierna atardi Unit Narcotica a haci un entrada hudicial na un percela na Maripampeonstraat Dakota.

Na e percela a haci un detencion di e homber inicial K. naci na Aruba. Durante e entrada hudicial

a confisca un suma grandi di droga (cocaina y marihuana) como tambe placa.

Un rato prome a haci detencion na altura di Appelsinastraat relaciona cu mes un caso. Ta trata di e homber di inicial W. naci na



Aruba.

Tambe a logra detene un homber inicial G.K. relaciona cu e caso den oranan di mas atardi riba caya.

E detencionnan ta enconexion cu benta di droga.

Team di aresto hunto cu personal di k-9, flexteam como departamento forensico, Ministerio Publico y CEA a forma parti di e accion aki.

Polis ta haci un apelacion pa es cu sa algo of a wak algo yama tiplijn di polis cu ta 11141.

## EMAN(AVP) A BOLBE BENDE SU 'PRINCIPIO' PA FORMA CU FUTURO: AWOR NAN TA PRO RIJKSWET



E debate riba e Rijkswet Financieel Toezicht (RFT) a revela un berdad doloroso: Mike Eman y AVP a cambia nan posicion radicalmente solamente pa logra

poder, traicionando e principio cu nan mes a defende, esta e lucha pa separacion. Cu esaki Eman a bolbe sacrifica principionan di lucha historico di pueblo arubano.

FUTURO tabata tin un condicion bon cla: Ta firma Rijkswet!

E Comparacion cu 1949: Traicion Den Cadena 12-8

Na 1949, e antepasado di Mike Eman, Henny (biewu) Eman, a traiciona e lucha di pueblo pa haya un puesto den gobierno di Antiyas Hulandes. E hecho aki ta conoci den historia como "e Cadena 12-8", of "e cadena di esclavitud" un simbolo di entrega di autonomia pa interes personal. Awor, Mike Eman ta repiti e mesun cos:

Tur tempo el'a para firme contra Rijkswet, pero riba prome dia como promer minister, a cambia su discurso, bisando cu "tin un compromiso cu Hulanda", cual no ta berdad!

E argumento di "evita problema" ta falso, pasobra e consensus riba RAFT ya a keda elimina y baha for di mesa tres siman prome cu

Evelyn Wever-Croes a bandona Gobierno.

No tin ningun obligacion legal pa firma e rijkswet, pero Hulanda ta usa e prestamo di COVID como presion pa impone control financiero.

Converti prestamo di covid den fondo di desaroyo?


Mike Eman a prominti cu e lo transforma e prestamo di COVID den un fondo di desaroyo, pero, dicon mester un rijkswet e ora? Si e debe lo bira un fondo di desaroyo?

Conclusion: AVP Ta Bende Su Pueblo

E situacion ta cla: AVP ta prefera un puesto den gobierno, na lugar di defende e derecho di pueblo di Aruba. Mike Eman ta repiti e historia di su famia—un traicion na lucha di pueblo pa beneficio personal.



# CHAUFFEUR BOU INFLUENCIA A BAHAMINDA CU SU AUTO Y OCASIONA ACCIDENTE



Tiida tawata bayendo direccion nort ora cu e la baha caminda na su man drechi y dal un auto. Debi na e impacto duro esaki a move bay pega contra un otro auto staciona eyman.

Mesora a yama polis.



Tanki Leendert - Diasabra marduga rond di 1'or y mey esnan para na Ruiz Take Away a pasa den un susto,

momento cu un Nissan Tiida a dal contra un auto staciona. Segun testigonan, e auto aki esta e Nissan

Na yegada di polis nan a papia cu e chauffeur sin camisa/flanel bisti y agentenan door di experiencia a nota cu e cabayero lo ta bou di influencia.

A haci uso di e Alco-Sensor y manera nan a sospecha e chauffeur tawata stuur burachi.

E la wordo deteni eyman mes y transporta pa warda.



Na Aruba manera nos a yega di bisa den pasado, chauffeurnan no ta worry cu nada y ta keda stuur

bou influencia sabiendo tur locual cu lo sosode ora nan accidenta.

## CHAUFFEUR A CORE BAY DESPUES DI UN ACCIDENTE DILANTI SUN PLAZA




Diasabra atardi a drenta informe di un accidente dilanti Sun Plaza, mesora a

dirigi un patruya na e sitio. Na yegada di e patruya a bin compronde cu aki ta

trata di un accidente unda un auto a dal un otro y un di nan a core bay. E chauffeur


a purba bay su tras pero a perde for di bista. Polis a tuma e number di auto y lo

bay busca esaki pa atende cu e chauffeur.

<div><div>OPENBAAR MINISTERIE ARUBA</div></div>		
Corte di Prome Instancia 31 maart 2025		
Horario	Sospechoso	Acto Castigabel
08.15	G.A.J.Z.R.	Uitspraak.
08.30	O.J.M.D. J.A.A.N. J.A.M.L. I.S.C.A. J.A.A.S. G.A.E. O.J.M.D.	E sospechosonan ta wordo acusa di importacion di cocaine y marihuana riba 18 di juli 2024.



# ACUSACION DI GERLIEN TA FALSO: XIOMARA NO MESTER DI STATEN PA REDUCI LOONBELASTING



Xiomara Maduro Tabata Den Su Derecho pa Baha Impuesto y a haciele legalmente, sin mester bendicion di Staten Minister Gerlin Croes durante reunion di presupuesto diabierna anochi a acusa Xiomara di a actua sin base huridico pa e decision di baha tarifa di loonbelasting y cu si Staten no aproba e presupuesto, Xionara lo keda personalmente responsabel pa 26 miyon. E minister a bisa cu su gobierno lo bay spaar Xiomara esey y lo bay cover esey huridicamente pa Xiomara no keda perhudica. Ex Minister Xiomara Maduro a refuta e ponencia ey mesora, indicando cu Gerlien ta den error atrobe. A Rebaha di Impuesto viaregulacion Ministerial

E rebaho di tarifanan pa impuesto di ingreso i impuesto di salario cu a drenta na vigor dia 1 di januari 2025

a bira realidad via un Regulacion Ministerial. Riba 7 di januari 2025, a publica oficialmente e “Regulacion Ministerial di 7 di januari 2025 pa adapta e tabla di impuesto di ingreso segun e Ley di Impuesto di Ingreso, cu miras pa mehora e poder di compra durante 2025” den Afkondigingsblad di Aruba (AB 2025 no. 1). E cambio aki tabata den e cuadro di ley, ya cu e Landsverordening di Impuesto di Ingreso ta duna e Minister di Finanzas e poder pa ahusta tarifanan via regulacion ministerial. Esaki kiermen cu no tabata nesesario pa a introdusí un Landsverordening nobo, ni buska aprobacion di Parlamento pa implementa e cambio.

## Ministra Gerlien Croes atrobe den error

Segun e Minister Gerlien Croes, e ex-minister Xiomara Maduro no tabata tin base huridico pa e

rebaha di impuesto. Croes a bisa cu e cambio tabata depende di aprobacion di Parlamento i cu sin aprobacion, e cambio por a crea responsabilidad personal pa Maduro. Sinembargo, Xiomara Maduro tabata tin e autoridad legal pa cambia tarifanan di impuesto di ingreso i impuesto di salario via un regulacion ministerial. Pues, e argumento di Minister Croes ta basa riba un interpretacion incorrecto di e ley.

Xiomara Tin Razon

Den realidad, no mester tin ningun desacuerdo riba esaki. Si e ley ta duna e



minister e poder pa ahusta tarifanan via regulacion ministerial, Xiomara Maduro traha segun e reglanan legal. E decision pa baha e impuesto no tabata ilegal, i no tabata nesesario pa e Parlamento aproba e cambio.

Minister Croes ta keda debil den e argumento, ya cu e ley ta cla i transparente: e minister tin e poder

pa ahusta tarifanan di impuesto sin nesesidad di Landsverordening nobo. E situacion aki ta muestra cu hopi biaha den politica por tin interpretacion diferente di e mesun ley, pero den e caso aki, e documentonan legal ta cla: Xiomara por cambia tarifa di impuesto i su decision tabata 100% legal.

**Banco di Caribe Online banking and Mobile App are temporarily not accessible.**

Please be advised that starting **Monday, March 31, 2025 at 7:00 PM local time until Tuesday April 1, 2025 at 8:00 AM**, BdC Online Banking including the Mobile App will temporarily not be accessible due to the switch from Antillean to Caribbean guilders in **Curacao and Sint Maarten**. Please bear in mind that for unforeseen circumstances this service inaccessibility may prolong. Thank you for your understanding.

**Aruba**  **BANCO DI CARIBE**



# PARLAMENTARIO XIOMARA MADURO TA HAYA LAMENTABEL CU GOBIERNO TA KITA 17 MIYON DI FCCA

## Ta stroba e homber chikito pa haya un cas pagabel pa yuda e homber rico cu inversion



Tratamento di Presupuesto 2025 a sigui y Minister Wever a presenta un

Nota di Cambio cu ta kita e 17 miyon florin cu ex Minister Maduro a destina

pa un fianza pa FCCA por cuminsa traha 100 cas pa 200 cas.

Esaki ta hopi lamentabel ya cu FCCA tin un lista di espera di mas di 3700 peticion pa cas social.

### Tur investigacion ta haci y FCCA ta cla pa traha cas pagabel

Segun Minister Wever a haci e cambio aki pasobra mester bin un investigacion mas profundo y pa esaki mester bolbe reuni cu FCCA. Parlamentario Maduro ta haya esaki un excusa fofo di Wever, ya cu tur investigacion

a wordo haci caba y na varios ocasion ex Minister Maduro di Finansa a reuni cu FCCA cu a duna presentacion caba cu ta ilustra e necesidad grandi cu tin pa cas social. FCCA ya tin tur plan cla y hasta tereno caba pa traha e casnan, ta e placa na interes barata ta locual nan tin mester pa por traha e casnan pagabel pa comunidad.

### Ta stroba e homber chikito pa haya un cas pagabel pa yuda e homber rico cu inversion

Di un banda Minister

Wever ta kita e 17 miyon di FCCA y ta stroba e homber chikito pa yega na un cas pagabel.

Di otro banda e Minister ta subi e potchi di inversion cu 30 miyon florin pa asina yuda e homber rico pa e por ganq mas placa.

Esaki ta lamentabel ya cu net sr. Wever cu a critica e surplus bisando "cu ta gaba cu surplus, pero e frigidaire di e homber chikito ta bashi", awo ta laga e homber chikito keda cu frigidaire bashi ya cu e ta kita tambe e 2,7 miyon florin pa FCCA por baha huur y yuda e homber chikito di berdad.


# AUTO A PASA DAL UN OTRO MANDA ESAKI BAY CAY DEN PLAS DI AWA MEMEY CAMINDANAN DI SASAKIWEG



Diasabra madruga a drenta informe di un accidente riba Sasakiweg, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda cu un otro auto a pasa dal e auto pone perde control y a bay cay den e plas di awa meymey di e camindanan y a sigui bay.

Polis a tuma datosnan di locual a sosode y ta investigando e caso aki pa asina haya e auto cu a sigui core bay pa pone para responsabel.





# ARUBA TA ANFITRION PA E SEGUNDO INTERCAMBIO DEPORTIVO ENTRE RUMANNAN ISLA ABC, PA E WEGANAN INTERINSULAR 2025



Oranjestad, Aruba, Maart 29 2025: Weganan Interinsular a inicia na nos hermana isla Curaçao y e fin di siman aki a toca turno deportivo na nos isla Aruba pa e disciplinanan di Dammen, Basketball y Volleyball.

“Esaki ta e prome actividad deportivo escolar cu mi a atende y presencia cu hopi orguyo como Minister di Relacionan den Reino, Educacion, Innovacion, Hoben y Deporte”, mr Gerlien a subraya

Hoben nan cu talento deportivo a sa di bataya fuertemente, elevando e nivel di Weganan Interinsular aun mas y demostra union deportivo na mes momento entre e islanan ABC.

Como Minister di Deporte e tabata un honor y orguyo pa mira hobenan destaca den deporte, pero tambe pa otorga premiacion na e mihor tres atletanan cu a sobresali den cada disciplina deportivo. Weganan Interinsular ta continua proximamente na

nos hermana isla, Boneiro, islanan manera Saba, Sint Eustacius y Sint Maarten tambe lo ta participando.

Danki na colega Minister di Enseñansa, Ciencia, Cultura y Deporte di Curaçao, Sr. Sithree “Cey” van Heydoorn y na Sr. Terrence de Jongh, Hoofd di IndeBon di Boneiro pa e aprecio y gradicimento.

Un palabra di pabien y gradicimento na cada un cu ta contribui na e exito di e torneo aki, minister Gerlien Croes ta termina.

## Clasificados



**SOLODIPUEBLO@GMAIL.COM**  
**CEL. 585 9500**





# Prome Minister Evelyn Wever-Croes: Pa Gabinete Wever-Croes deporte semper tabata un prioridad **WEGANAN INTERINSULAR A INICIA DIAHUEBS ULTIMO**



Diahuebs anochi Prome Minister Evelyn Wever-Croes tabata presente na Double Down Sports Bar and Grill pa e apertura di e Weganan Interinsular na Aruba. Presente tabata Minister di Enseñansa, Ciencia, Cultura y Deporte di Corsou Sithree van Heydoorn. Director di IBISA Isnaro Faro, representante di FDDK Corsou y Idebon di Bonaire.

Den su discurso, Prome Minister a indica cu 3 año pasa ex Minister di Deporte Endy Croes a informa consejo di

minister, cu el a logra pa Aruba bolbe cuminsa cu weganan interinsular. Na October 2022 Ministernan di Deporte di Aruba y Corsou tabata na Bonaire pa celebracion di 40 año di Indebon y na e oportunidad aki hunto cu Diputado James Kroon a firma e acuerdo pa re-inicia cu Weganan Interinsular entre e 3 islanan. Na 2023 cu e acuerdo aki firma a inicia e Weganan Interinsular cu tabata un exito total mesora

Prome Minister a indica cu mirando cu Aruba lo tin un

Gobierno nobo na caminda, a pidi den e documentonan laga atras pa nan sigui cu e compromiso aki na bienestar di nos hobennan y muchanan.

Pa Gabinete Wever-Croes deporte semper tabata un prioridad, mirando e importancia cu esaki tin pa desaroyo di nos hobennan.. Weganan iinterinsular no solamente ta contribui na e aspecto fisico di practica deporte sino tambe pa e muchanan cera un amistad cu otro, estrechando asina lasonan di hermandad entre e islanan ruman.

Tambe Prome Minister a referi na e 4 Dnan cu ex Minister Endy Croes semper tabata papia di dj'e. E prome ta Deseo cu cada hoben of mucha mester tin pa practica e deporte, di dos ta Disciplina paso si no tin disciplina nan no lo logra yega leu den e deporte, di 3 ta Dedicacion na e trainingnan, y di 4 ta Determinacion, cu ni con dificil ta semper sigui haci e esfuerso pa logra. Si cada hoben/mucha sigui e 4Dnan aki, sigur nan lo ta exitoso den tur loke nan propone nan mes.

Na final di e anochi representantenan di Corsou y Bonaire a entrega Prome Minister un reconocimiento como gratitud pa e esfuerso y dedicacion cu su Gobierno tabata tin pa Deporte. Tambe a yama Sandra Suarez dilanti cu ta ruman



di ex Minister Endy Croes pa asina nan por a entregu'e e reconocimiento pa ex Minister Endy Croes. Sigur un reconocimiento bon mereci mirando cu si no ta pa e amor y pasion grandi cu ex Minister Endy Croes tin pa deporte nada di esaki lo tabata posibel. Despues di entrega di reconocimiento, a clausura e anochi cu e grupo di baile Dazzling Dancers cu a haci un tremendo presentacion pa despues oficialmente inicia cu e weganan interinsular.

Prome Minister ta gradici

na prome luga exx Minister Endy Croes pa tur su esfuerso y dedicacion pa cu deporte durante e añanan cu e la sirbi pais Aruba bou Gabinete Wever-Croes. Tambe un danki na IBISA, e delegacion di Corsou (FDDK), y e delegacion di Bonaire (Idebon) na haci esaki posibel.

Por ultimo Prome Minister ta desea tur e hobennan/muchanan deportista hopi exito durante e competencianan, y ta gradici cada un di nan, paso sin nan e weganan aki no lo ta posibel.



# BUNITA PREMIÈR DI PELICULA E BRUHA, BRUHÁ



Den teatro Principal na San Nicolas, productor Desiree Croes di Berea productions a ricibi su invitadonan na e premièr di su pelicula E bruha, bruhá.

Cu cameranan di Semi Chahmi di Chahmi film studio e invitadonan por a disfruta di e resultado di e mas cu un ora y dies minut di e producto final.

Por a aprecia presencia di e cast di e pelicula manera Yvonne Tromp, Mirto Tromp, Desiree Croes, Yolanda Croes, Nigel Maduro y Liliana Rasmijn. Tambe presencia di Yakari Gabriel, Sebastian Torres y Semi Chahmi.

E pelicula ta pasa na diferente horario na Gloria, Principal y Reniaissance theatre. Tur cu a mir'e e prome dos dia, a bay cas contento y orguyoso di e produccion Arubano aki.

E bruha, bruha ta un pelicula adapta for di e cuenta cortico di Desiree Croes su buki No Mas. Berea ta conoci pa su peliculanan E Berguensa, No Bay Fo'i mi, A-11, E carta, E maleta ros y Luz riba lama.





# Accidente cu hende herida na Hooiberg, polis a detene un chauffeur bao influencia



Diabierna anochi a drenta informe di un accidente cu hende herida riba e caminda di Hooiberg, mesora a dirigi tanto polis como ambulans

na e sitio. Na yegada di e patruya a bin compronde cu aki ta trata di un accidente unda un chauffeur bao influencia no a duna

preferencia nan a accidenta. Na yegada di e ambulans nan a atende e victima mientras polis a detene e chauffeur bao influencia.

## Accidente pa falta di preferencia na rotonde Sasaki?



Diasabra atardi a drenta informe si un accidente na rotonde Sasaki, mesora a dirigi un patruya na e sitio. Na yegada di e patruya

a bin compronde cu aki ta trata di un accidente pa falta di preferencia. Afortunadamente ningun hende a resulta herida.





# Caribbean Business Hub celebrates a smashing 10-year anniversary



Caribbean Business Hub celebrated its double lustrum in style on March 26. The tropical evening at the Cabinet of the Minister Plenipotentiary of Curaçao in The Hague was enhanced by performances from the famous singer/entertainer Lou Prince. His iconic song, "This is the moment," set the tone right from the start for the attending entrepreneurs and professionals.

After the opening by CBH's chairman, Nico de Visser, and the acting Minister Plenipotentiary, Ms. Ann Phillips, the CBH board member Lionel Martijn reflected on 10 years of

successful Caribbean networking. Core values of Caribbean Business Hub as a platform for fostering entrepreneurship were highlighted, including personal entrepreneurship and building bridges between the Kingdom's regions. Additionally, attention was paid to the founders of CBH, the keynote speakers over the years, the successful deals made, and also tribute was paid to those who have passed away.

Then Antoin Klein Hofmeijer, Head of TUI Dutch Caribbean, provided an insight into the organization and activities of the travel company TUI in the Caribbean region. A very diverse range of locations is available, catering to all target groups. This company is clearly rooted in the islands, with local employees and as a supporter of sustainability and social projects.

Robby Schouten, a television icon with "Far away from home," subsequently spoke about his 60-year career. Besides being a tv-

producer, he is a successful entrepreneur with his tours across Europe—a role model for entrepreneurs from the Caribbean who wish to start businesses in Europe. Especially for the 10th anniversary, two Caribbean Business Hub plaques were awarded. Robby Schouten received an award for his contributions as an



ambassador for all the Caribbean islands and his versatile entrepreneurship. Nico van der Ven of NivenPress was honored for 10 years of giving support to CBH with his professional photography.

Naturally, there was also plenty of time for networking, and Lou Prince once again serenaded the audience with his warm voice. The diverse group of attendees clearly enjoyed the great company, delicious tropical catering, and positive, constructive atmosphere. Many have already signed

up for the next business event on Wednesday, June 25, 2025, with the topical theme "We make Caribbean Great Again!" For more information, visit [www.caribbeanbusinesshub.nl](http://www.caribbeanbusinesshub.nl) Photography: Nico van der Ven, NivenPress

## Picture 1

Boardmembers of Caribbean Businesshub; Lionel Martijn, Perri Franklyn, Roy Hart, Corinne and Germaine Hernandez-Croes, Nico de Visser, Antoin Klein Hofmeijer of TUI Dutch





# ADDONSITO CROES HONRA CU PREMIO TEATRO Y ACTUACION 2025















## Aruba ta trata mi bon mes



Rondona pa Aruba su miho artistanan di teatro, mi tawatin e honor di ricibi, dia internacional di teatro, for di man di director di DCA Siegfried Dumfries, Miss Aruba Anouk Eman y artista teatral Jhon Freddy Montoya e premio nacional pa un di e artenan mas difcil cu por tin. E arte di actuacion. Un arte cu mi a cuminsa cu ne for di chikito practicando na St. Anna school cu obranan manera Paluchi, e gordito y e soldat Romano bou guia di juffrouwnan Mirna Carotenuto, Dominica

Figaroa d.f.m. Tambe juffrouw Grace Zara su talento den guia obranan unico, mi tawata admira. Na Colegio Arubano maestro Burney Every d.f.m. a dina mi rolnan di e.o. compania di aviacion. Pa loke ta escenario mi tin cu gradici mi juffrouwnan di Maria College Roseanne Garido, Yvonne Laclé, Lilia Luydens y Ann Mattew cu a pusha mi pa subi escenario cu 16 aña. Pa Cas Princesa Aruba mi a hunga den obranan Beauty & the Beast y Aladdin. Asina mi a sigui y te cu awo mi

tin 9 pelicula di largo- y cortometrahe hunga. Danki Juan Francisco Pardo (CINEARUBA) + Desiree G. Croes (BEREA) pa a siña mi kico ta actuacion! Actuacion ta pasion!! Danki UNESCO, DCA y Ministerio di Cultura! Premio nacional di Teatro & Actuacion 2025 ta un honor grandi. Corda check, te cu diarason awo, nos pelicula nobo E BRUHA, BRUHÁ na Renaissance, Principal of GLORIA!

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - March 30, 2025</div>		
 <div>Sorteo # 8509 <b>0793</b> <b>7336</b> <b>6218</b></div>	 <div>Sorteo # 2580 0 x Jackpot 0 x Match 4+ 4 x Match 4 156 x Afl. 12,00</div>	<div><b>03-06-11-15-17</b> Joker 35 Letter M Proximo Jackpot <b>240.000,-</b></div>
 <div>X2</div>	 <div>Sorteo # 6784 0 x Jackpot 10 x Match 4 203 x Afl. 8,00</div>	<div><b>02-07-09-14-15</b> Proximo Jackpot <b>54.000,-</b></div>
 <div>Sorteo # 7553 <b>3205</b></div>	 <div>Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	<div>Mega Ball Proximo Jackpot <b>330.000,-</b></div>
 <div>Sorteo # 2258 <b>5024</b></div>	<div><b>Afl. 480.000,-</b></div>	
 <div>Sorteo # 6312 <b>4807</b> Piscis</div>	 <div>Sorteo # 1242 <b>180</b></div>	 <div>Sorteo #</div>
 <div>X2</div>		



# Cobramento di "Boet" ta "ON" bo ta paga placa of bay sera!

Diasabra mainta tempran polis hunto cu C.E.A. a sali tempran den oranan di esnan cu debe "boet". Sea nan ta paga mesora of nan ta bay sera.



## Master Yoshmar Wever a haña reconocimiento

Den fin di siman pasa Master Yoshmar Wever di Taekwondo Team Aruba a participa den dos evento cu 5 atleta y a logra gana 5 Medaya di Oro, 3 di Plata y 2 di Brons cual ta un logro grandi pa Aruba na Merca.

Master Yoshmar Wever a keda sorprendi ora cu Master Daniel Osorio director di AAU a yama Master Yoshmar Wever pa dilanti pa dune un plakkaat. Master Yoshmar Wever a gradici Master Daniel Osorio y e organisacion pa e gesto.



## Accidente entre 2 Toyota Yaris cu a dal banda di otro y un truck pasando a blokea trafico



Diasabra atardi a drenta informe di un accidente riba E.J."Watty" Vos blvd., mesora a dirigi un patrulla na e sitio. Na yegada di e patrulla a bin compronde cu aki ta trata di un accidente entre 2 Toyota Yaris cu a dal banda di otro unda tabata tin declaracionnan contradictorio y trafico a pega ora un trekker cu opletger a yega y no por a pasa. Esaki a crea un fila

basta largo unda autonan apenas por a pasa. Afortunadamente ningun hende a resulta herida.

**Clasificados**





SOLODIPUEBLO@GMAIL.COM  
CEL. 585 9500





# FORTALEZA PA FAMILIA

Scirbi pa Pastor Marcel Balootje.

## MURMURACION TA KITA PAS Y DIVIDI E HOGAR

Murmuracion, ta nifica cu mirando cosnan bon ta sosode, of ricibiendo bendicion, mirando e man di Dios cu ta provee , toch hende no ta contento cu locual nan tin, toch nan ta keda reclama, discuti, pasobra nada no ta bon pa nan.

Den Numbernan 14 a sosode lo siguiente cu despues cu Dios a habri Laman Corra y laga e Isrealitanan crusa nan a cuminsa murmura contra Moises y Aaron.

E ora ey henter e congregacion a halsa bos y a grita,y e pueblo a yora e anochi ey. Y tur e yuinan di Israel tabata murmura contra Moises y Aaron y henter e congregacion a bisa nan:

Miho nos a muri na e tera di Egipto!  
Of mihor nos a muri den desierto aki.

Pakico Senyor a trece nos na e tera aki pa nos muri pa medio di spada?

Nos esposanan y nos yuinan chikito, lo bira victima,no ta miho nos bolbe Egipto?

Asina nan a bisa otro, laga nos nombra un lider y bolbe Egipto. (Numbernan 14:1-4).

Wak con hende ta comporta despues cu Dios a saca su man y libera nan for di 400 anja di esclavitud, den Egipto caminda nan tabata wordo maltrata, y nan tabata yora pa Dios por a saca nan.

Y awor cu E a saca nan tampoco nan no ta contento.

Si nos compara esaki cu e

tempo cu nos ta bibando den dje, ta musta hende cu Dios a libra nan for di maldad, salvando nan bida, libra nan for di droga y alcohol, for di malesa terminal, for di relacion inmoral, for di violencia domestico, etc, y awor mesun hende kier bay bek den e bida malo, ey y no kier reconoce bondad di Dios, pero kier continua den scuridad.

Murmuracion tambe ta rebeldia, pero hopi biaha nos ta hacie inconsiente, pero no lubida cu murmuracion ta bay contra e bondad y misericordia di Dios. Y e cosnan ey ta lanta furia di Dios, mescos cu ta para scirbi den Romanonan 2:5.

Y esey ta locual a pasa cu Dios a bisa Moises: Cuanto tempo mas e pueblo aki lo desprecia Mi,cuanto tempo mas nan lo no kere den Mi apesar di tur e senjalnan cu Mi a haci meymey di nan.( Numbernan 14:11).

Tur locual hende pensa, haci, papia Dios ta mira, esey ta tur hende tin cu tene cuenta cune, pasobra nada ta scondi pa nos Dios.

Y manera ta para scirbi cu nan a sigi murmura contra Dios, te na e momento cu Dios a bisa Moises cu E a tende e murmuracion di e pueblo y E a bisa Moises pa bisa nan: Manera mi ta biba, Senyor ta bisa, mescos cu boso papia pa mi tende, asina lo Mi haci cu boso sigur, boso

cadavernan lo cay den desierto. ( Numbernan 14:28-29).

Mescos cu awendia tin hende cu conoce e salvacion di Dios, cu a purba e bondad di Dios, pero toch concientemente ta participa den obra nan infructifero di scuridad, keto bay tin amistad cu mundo y ta desea cosnan di mundo, y asina haci nan mes enemigo di Dios ( Santiago 4:4).

Hopi biaha nos ta mira cos no ta bay bon den un hogar, y nos ta puntra kico por ta e motibo, awel caminda tin murmuracion , sea den cas, oficina, iglesia, na unda cu e ta tuma lugar e ta lanta rabia di Dios, y poco,poco e golpi ta bini, pasobra Dios ta odia murmuracion.

Un cas por ta grandi y bunita, y tin tur cos, pero murmuracion ta kita pas y dividi e hogar.

Sinceramente, Pastor Marcel Balootje.



# SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



*Si nos biba, ta pa Señor nos ta biba i si nos muri,  
ta pa Señor nos ta muri. Ke men, sea nos biba óf muri,  
ta na Señor nos ta pertenesé.  
Romanonan 14:8*

Cu dolor na nos curason, nos ta participa fayecimento di nos ser  
stima, casa, tata, opa, ruman, omo, primo, suegro y amigo:



**Sr. Rigio Nicolaas Oduber**

*\*10-09-1952 - †25-03-2025*

**Esposa stima:**  
Mariana Oduber-Croes

**Yiunan stima:**  
Richelle & Giancarlo Angela  
†Dion Oduber

**Su popchinan stima:**  
Uriëlla Angela  
Uziëlla Angela

**Su rumannan:**  
†Mildred Oduber  
Franklin & Enveline Oduber  
†Eric & Adilia Oduber  
Esmeralda Oduber  
Anthony Oduber

**Subrino- & subrinanan:**  
Nelleke Cardenas-Oduber & famia  
Sharity Oduber & famia  
Joraine Duzong-Oduber & famia  
Randolph Oduber & famia  
Daisy Weller-Geerman & famia  
Nataly Kemp-Geerman & famia

**Ihanan:**  
Lorraine Croes & famia  
Janice Essers-Hooft & famia  
Ruthmila Dirksz

**Stima manera yiu:**  
Yvette Chirino-Dijkhoff & famia

**Prima & primonan, amigo, bisña & conocirnan.**

**Amigonan di cas:**  
Carel Hart  
Delio Laclé

**Demas famianan:**  
Oduber, Croes, de Mey, Thijsen, Dubero, Angela, Flanegin,  
Maduro, Dijkhoff, Solognier, Dania, Boyè, Leyba, Laclé,  
Geerman, Heronimo, Figaroa, Gonzalez, Van Buuringen,  
Stöwesand, Ter Beek, Rossingh, Hooft, Bueno Guzman,  
Essers, Godoy, Saladin, Ririhena, Lourens, Cornes.

Ta invita pa acto di entierro lo tuma lugar dialuna 31 di maart  
2025 pa 09.00 am pa 11.00 na misa Santa Filomena na  
Paradera. Sigui pa respons y Santana Catolico di Paradera.

Nos ta pidi disculpa si den nos tristeza  
nos por lubida un of otro famia.

Despues di acto di entierro nos ta lamenta  
di no por ricibi condolencia na cas.

*Canta contento pa SEÑOR, henter mundo;  
Sirbi SEÑOR cu alegria,  
acerc 'E cu canticanan di fiesta.*



*Cu dolor na nos curason nos ta anuncia  
fayecimento di*

*Marcolino Croes*

*18 April 1974 - 22 maart 2025*

*Acto di entierro lo wordo anuncia despues*



# HOTLINE



744-0444

## CAPT'E Y MAND'E



# SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen

## Nos muchanan contento cu e buki

“Rene su dushi wega”danki na

**ARUBA BANK Y WEB N.V.**

Lectornan a carga pasenshi, pero awe nos relato di e bunita entrega di e prome buki pa mucha na papiamento di autor escritora Lady Ruth na nos scolnan basico rond di Aruba, y tambe na tur e gruponan welp di Scouting Aruba. Oh, ki dushi tawata e ambiente cu a reina den e gruponan welp di SA y di e 3 scolnan cu Lady Ruth y sra, Michelle Harms di Aruba Bank a bishita pa entrega nan cada un 2 buki pa nan Biblioteca na scol, na unda tur mucha tin e oportunidad pa lesa e buki dushi y bunita aki, cu ta causando furor cu su dos mensahenan den dje . Danki na Aruba Bank y WEB NV cu a patrocina respectivamente 2 y 3 caha di buki, cu a wordo reparti entre tur e scolnan basico rond di nos isla y na nos gruponan di welp. Nos a bishita 3 scol ( tur e otronan a y of ta ricibi nan buki of bukinan via un di e bodenan di Aruba Bank, ta hopi scol basico tin ) y a hasi e entrega den un forma espectacular cu yell y canto, locual nos a hasi durante e dushi actividad “Rimboejacht” den scouting cu a tuma lugar riba e speelplaats di International school of Aruba na Wayaca. Eynan nos a hasi varios yell, poema y a canta cu e muchanan den un dushi ambientacion, cu ta bon conosi den scouting. Y nos a hasi esey na Maria School Sta.Cruz, Colegio Ora Ubao Tanki Leendert y na Rosario College Oranjestad tambe, pasobra nos curason a guia nos den nos dushi alegria di comparti momentonan

hopi agradabel. Aruba Bank den nan grandioso celebracion Centenial, 100 anja di existencia, ta regalando instancianan y of fundacionnan rond di Aruba un bunita regalo di 100 mil florin, como nan muestra di gratitud pa e confianza di pueblo den nan pa 100 anja caba, y specialmente na instancianan cu mas tin mester. Y banda di esey, nan ta regala tambe por ehempel e scolnan basico e buki di Lady Ruth y ta sponser caminatanan etc. Tur esaki como nan gran celebracion di 100 anja ! Corda saca bo potret na e stand di 100 na Camacuri y sea abo tambe parti historico di e dushi celebracion Centenial aki di e prome banco na Aruba !! Nos ta Aruba, Aruba ta nos !  
Ademas di ta hasi actividadnan leuk cu nan teamnan di trahadornan dinamico, serio y responsabel, trahando profesionalmente cu curason, ARUBA BANK ta comprende y semper cu servicionan excelente. Excelente tambe ta WEB NV cu nos dushi awa cu no tin su igual. Nan tambe cu bon servicio, atento y profesional cu curason. WEB N.V. tambe ta yuda riba tereno social cultural rond di Aruba cu hopi amor y carino. Excelente ta tambe nos HC, nos Hoofd comisaris den Scouting Aruba, e gentil cabayero dinamico y profesional Chris Lake, cu ta guiando e gruponan den SA den un manera super ! Danki na HC Chris Lake y lieve HKC Adeline Geerman cu a coopera y

facilita nos e dushi atardi ey cu nos a sinti nos bek na cas den scouting. Danki na e simpatico Michelle Harms y e fotograaf di Aruba Bank, pa e bunita oportunidad e mainta ey na e 3 scolnan menciona. Nos a ricibi bunita cooperacion di e juffrouw y meneernan di e derde klasnan y nos a sinti e dushi alegria, mirando nan participacion den nos presentacion. Danki na UNOCA cu Lady Ruth por a luci cu su buki “Rene su dushi wega”, danki na sra. Olivia Figaroa dfm na ken e buki ta wordo dedica y danki na e artista ilustrado



sra. Irene Peterson cu a hasi un excelente bunita trabao !  
Cu un danki tambe na correctornan sra. Evelyn Ruiz Croes, Joyce Pereira, Olivia Figaroa dfm, Glenda Reiziger, Josephine Peterson di Unoca y na tur cu di un of otro forma a inspira nos cu nos buki a bira realidad. “You are the blessings “. “Rene su dushi

wega” ta obtenibel na Plaza Bookshop y na De Wit en Van Dorp den curason di Dakota . Un bunita regalo sigur pa e temporada di Pascu grandi conosi como Pascu di webo . Y si bo no por lesa ainda, pidi Mamie of Welita les’e pabo y contabo Rene su dushi wega. Te otro siman Dios mediante!

## Oracion di dia

### Un dia fructifero y cu e luz di Cristo por briya den cada un di nos

“ ... Pasobra tur hende cu halsa nan mes, lo keda humilia, ma esun cu humilia su mes, lo keda halsa”. Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husgando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.